

法八萬四千人聽經法者得法眼淨五百人皆發無上正真道意

五 僧行錄書

普超三昧經卷第三

惟九

造見也上七到反就絃歌也上音賢倡伎也下音倡

樂也一灑也七焰反亘然也上音古跳也音下突也音徒

反藪也音水竄也七亂反翔也音高或也音下

飛而不日潛也音反猥也音每飼也音食金鉞也音下

作名反勞悒也音邑恢闡也音上臻也音反

也賚也音代峙立也音上洗滌也音下消斲也音下

也四或作蹉跌也音下慌惚也音下駢也音五

也四或作蹉跌也音下慌惚也音下駢也音五

普超三昧經卷第四

惟十

西晉三藏法師竺法護第三譯

心本淨品第十一

尔時濡首為王阿闍世及諸眷屬并餘來者無數之眾開化說法即從座起與比丘眾王阿闍世羣臣僚屬及無數人出宮門行行於

阿闍世

塗路見一男子自害其母住他樹下啼哭懊惱稱叫奈何其人究竟現在應度而自剋責所作無狀而造大逆自危其母當墮地獄雖尔其人當修律行時濡首於比丘眾前化作異人即時往詣害母人所去之不遠而中道住其害母者遇見父母與子共侶父母謂子是者正路其子答曰斯非正路透互起諍於是化子現懷瞋怒殺化父母其逆罪子遇見化子害化父母啼哭酸毒不能自勝尋即往詣害母人所而謂之曰我殺父母當墮地獄哭言奈何當設何計其害母者而自念言今此來人乃害二親我但危母其人癡冥罪莫大焉我之為逆尚差於彼如彼受罪吾猶覺輕其化人者悲哀酸酷口並宣言吾當往詣能仁佛所其無救者佛為設救其恐慄者慰除所患如佛所教我當奉遵於時化人啼哭進路在其前行而害母者尋隨其後如彼悔過吾亦當尔吾罪微薄彼人甚重化人詣佛

稽首于地而白佛言唯然世尊吾造大逆而  
害二親犯斯大罪佛告化人曰善哉善男子  
爲至誠而無所欺言行相副詣如來前說誠  
諦言而不兩舌亦不自侵當自惟察觀心之  
法以何所心危二親者用過去心當來心乎  
現在心即其過去心即已滅盡其現在心即

已別去無有處所亦無方面不知安在當來  
心者則亦未至無集聚處未見旋返亦無往  
還子當知之心亦無立於身之內亦不由外  
亦無境界不處兩間不得中止察其心者亦  
無五色青赤黃白黑子當了之心者無色亦  
不可見亦無所住亦不退轉無有言教不可

執持猶若如幻子欲察心不可分別不可解  
了不可名姪不可究怒不可知癡無姪怒癡  
子當知心之無生死行亦無所作亦無所現  
亦不現在心者清淨亦無垢染亦無淨者心  
不在此亦不在彼不在異處猶如虛空亦無  
等倫亦無色像亦無言教有明智者不當依  
惟十

倚勿得言吾謂是我所莫得造處無得爲想  
莫造畢竟勿有所爲無言已身勿云吾我莫  
念過去所以者何子當知之一切諸法悉無  
所住猶如虛無子且聽之解如是者佛不謂  
人於法有脫若染汗者不歸惡趣設心清淨  
而無垢染則無諸趣於是化人即而歎曰得  
未曾有天中之天如來所因成最正覺了知  
法界無有作者亦無有受無有生者無滅度  
者無所依倚願得出家因佛世尊得作沙門  
受具足戒佛言比丘善來於時化人前作沙  
門即白佛言唯然世尊吾獲神通今欲滅度  
佛之威神使彼化人去地四丈九尺於虛空  
中而取滅度身中出火還自燒體於是逆子  
見彼化人得作沙門聽受經法聞佛所說心  
自念言向者彼人自危二親在世尊前而作  
沙門便得滅度今吾何故不效彼人而作沙  
門亦當滅度作是念已往詣佛所稽首聖足  
前白佛言我亦造逆自危母命佛言善哉善

男子爲至誠而無所欺言行相副詣如來前說誠諦之言而不兩舌亦不自侵當自惟察觀心之法以何所心危其親者用過去心當來心乎現在心耶其過去心即已滅盡其現在心即已別去無有處所亦無方面不知安在當來心者則亦未至無集聚處未見旋返

惟十

三

亦無往還子當知之心亦不立於身之內亦不由外亦無境界不處兩間不得中止察其心者亦無五色青赤黃白黑子當知之心者無色亦不可見亦無所住亦無退轉無有言教不可執持猶若如幻子欲察心不可分別不可解了不可名姪不可究怒不可知癡無姪怒癡子當知心無生死行亦無所作亦無所現亦不現在心者清淨亦無垢染亦無淨者心不在此亦不在彼不在異處猶如虛空亦無等倫亦無色像亦無言教有明智者不當依倚勿得言吾謂是我所莫得造處無得爲相莫造畢竟勿有所爲無言已身勿云吾

我莫念過去所以者何子當知之一切諸法悉無所住猶如虛無子且聽之解如是者佛不謂人於法有脫若染汗者不歸惡趣設心清淨而無垢染則無諸趣於是逆人地獄之火從毛孔出毒痛甚劇而無救護前白佛言我今被燒唯天中天而見救濟歸命大聖於是世尊出金色臂著實人頂上火時即滅無復苦痛見如來身若干相好身痛休息而得安隱又前白佛欲作沙門佛尋聽之即爲寂志於時世尊爲說四諦其人聞之遠塵離垢得法眼淨修行法教逮得往還證得羅漢又白佛言欲般涅洹世尊告曰隨意所在於是比丘踊在虛空去地四丈九尺泉中出火還自燒體百千天人於虛空中而來供養時舍利弗見於彼人受斯律教而得滅度則驚惟之前白佛言誠難及也天中之天如來恩施所說法律乃令逆者得受法教如是行者然有殊別堪救濟者惟有如來孺首童真被大

顯曜又如其人入此典誥受一切法而得解脫佛言舍利弗以是之故若族姓子族姓女我滅度後能聞是法義即便信樂又不迷惑而心垂者隨惡知友而犯罪豐不失法忍乃至無餘而得解脫吾不謂斯等墮惡趣也有信樂如是像類深妙之法所得如是以斯之惟十

德鎧諸菩薩倫能觀一切羣萌根源隨而度之非諸聲聞緣覺境界佛言如是舍利弗誠如所云是佛大士法忍菩薩之境界也又舍利弗汝等所見想墮地獄而佛觀之至滅度法汝等視人應滅度者世尊省知而墜惡趣或以知足有德之士閑居奉戒而三昧定汝

等謂之至滅度法如是見之反墮地獄所以者何汝等之類離於心行不能徧察衆生心源羣萌所行不可思議又舍利弗汝為見此殺母者乎聞說深法得至無餘而般涅洹對曰唯見天中之天佛告舍利弗欺害母者於五百佛殖衆德本聞深妙法解暢心本清淨

故若茲等倫處於正路其聞斯典即信樂者講說平等章句歎頌廣為他人分別演者德悉如何況奉行修如所教濡首與諸菩薩大士大迦葉王阿闍世及無數人往詣佛所稽首禮足却坐一面

今時舍利弗見濡首與諸會者悉坐定已謂王阿闍世大王狐疑寧為斷乎答曰唯然仁者尋則斷矣又問云何斷答曰不受不捨是謂為斷亦無所得本末末了無有垢染則為斷矣舍利弗白世尊曰王阿闍世所畢幾如餘有幾如世尊告曰王之餘殃猶如芥子所滅之罪如須彌山入於深法所說經義至無惟十

生法舍利弗又白佛言王阿闍世當復往歸於惡趣乎答曰如忉利天子在於七寶重閣交露下閻浮尋還本處如是舍利弗王阿闍世所入地獄名寶陀羅釋言適入尋出其身不遭苦惱之患舍利弗言難及世尊王阿闍世諸根明達乃如斯乎又能彌除若干罪墮

如斯重殃地獄之毒

佛告舍利弗王阿闍世前已供養七十二億諸佛世尊殖眾德本啓受經典所聞法者勸無上正真之道汝豈見濡首童真乎對曰已見世尊告曰濡首童真勸阿闍世使發無上正真道意於難計劫離垢歲如來無數諸佛於彼劫中而有三億平等正覺悉是濡首所可誘勸使轉法輪長壽久存設百千世尊終不能爲王阿闍世說法決疑其惟濡首能爲斯王決於疑網所以者何濡首童真數從諸佛聞是深法以是故當作斯觀其有菩薩應所度者本從發意得其本師爲之說法乃能解耳王阿闍世從集欲輕地獄出生於上方去是五百佛國其世界曰莊嚴其佛号寶英如來至真等正覺今現說法當復重見濡首從聞深經在於彼土即當逮得起法忍弥勒菩薩成正覺時當復來下還斯忍界号曰不動菩薩大士弥勒如來當爲眾會宣讚不

動菩薩前所興爲又復分別於此經典敷陳至義不動大士能仁佛世作大國王各阿闍世從惡友言自害其父從濡首聞所說經要得柔順法忍因此除罪令無有餘弥勒如來緣不動菩薩說此經法八千菩薩不起法忍八万四千菩薩蠲除無數不可計會罪覺

積聚如是舍利弗王阿闍世從今已往八百難計會劫修菩薩行開化眾生嚴淨佛土又舍利弗王阿闍世所化眾生爲聲聞地若緣覺地若行大乘斯等眾生當有罪蓋無塵垢蔽狐疑悉除無有猶豫過於八千不可計劫當得無上正真之道爲最正覺劫名喜見世

准十

六

界曰無造陰佛号淨界如來至真等正覺壽十四劫諸聲聞眾十七万人而爲大會一切慧解志八脫門諸菩薩眾有十二億皆得智度無極善權方便滅度之後正法當住一億歲無造陰世界所有黎庶至於壽盡無狐疑者終歿之後不歸三塗淨界如來設爲羣生

講說經者悉去諸垢無有塵勞皆得清淨是故舍利弗人人相見莫相平相所以不當相平相者人根難見獨有如來能平相人行如佛者可平相人也賢者舍利弗及大眾會驚喜踊躍而說斯言從今日始盡其形壽不觀他人不敢說人某趣地獄某當滅度所以者

何羣生之行不可思議時佛說此喻阿闍世決三萬二千天子發無上正真道意各誓願曰淨界世尊成正覺時吾等當生於彼佛土不造欲世界佛即記之當生彼土

普超三昧經月首受決品第十二  
王阿闍世有一太子名曰月首厥年八歲解

頸瓔珞用散佛上而曰吾以此德勸助無上正真之道以斯善本淨界如來成正覺時願於彼土為四域主轉輪聖王盡其形壽供養如來及比丘眾佛滅度後奉持舍利而受經典然後得成無上正真之道為最正覺適散珠瓔便於虛空則成七寶文露棚閣四方四

推十

植上下平等嚴正雅妙於其閣內安四寶牀敷天繒綵如來坐之相好莊嚴佛時即笑世尊笑法則有無數不可質限百千光色從其口出照難思議無有邊際諸佛世界超於梵天魔之宮殿日月光明自然蔽暄焰迴繞身無央數而從頂上入賢者阿難即從座起偏袒右肩長跪叉手以偈讚曰

度一切諸慧 超越眾罣碍 解了羣生類  
心行之根源 以分別本末 應時而說法  
普照世願說 何因而欣笑 眾生在十方  
一切處其前 無數億姪眾 一一而難問  
能仁之聖師 乃堪決其疑 善哉願解說

愍哀何故欣 其過去諸佛 最勝所住立  
又當來世尊 猶如江河沙 分別知六趣  
慧度於無極 所以現欣笑 離垢願解疑  
光明超日月 翳魔釋梵宮 通徹諸鐵圍  
越照眾山頂 安隱烝黎元 枯竭眾勤勞  
善說除諸垢 何故熙欣笑

於是世尊告阿難曰寧見月首太子乎對曰唯然已見佛言今此月首而於佛前植眾德本則以勸助無上正真道稍當漸漬修菩薩行淨界如來成佛道時又此太子生彼佛土爲轉輪王供養奉事淨界如來至真等正覺盡其形壽施以所安滅度之後供養舍利執

御正法法滅盡後即當遷沒生兜率天則於其劫得爲無上正真道成最正覺号月英如來至真等正覺明行成爲善逝世間解無上士道法御天人師爲佛眾祐國土所有佛之壽命諸比丘眾亦如淨界世尊無差別特也尔時他方世界諸來會者菩薩大士與濡首俱至此忍界聞說斯言前啓白佛濡首童真所可遊至則當觀之其土處所悉爲如來無有空缺諸佛世尊不復勞慮所以者何唯然世尊濡首所攝終無惡趣不劇不閑及諸魔事罪蓋塵穢其有州域郡國縣邑丘聚城廓於斯正典而流布者則觀其處如來遊居無

世十

八

有虚空世尊告曰如是如是族姓子誠如所云今斯經典所宣布處則是如來之所遊止則是如來愍憫垂教又族姓子乃昔往古錠光佛時吾於彼世而受得決所敷髮地錠光如來蹈越髮上散以蓮華逮得法忍授吾前曰後無數劫當得作佛号能仁如來如是族

姓子時錠光佛告諸比丘汝等不當越蹈斯地所以者何是者則爲天上世間神寺佛塔菩薩敷髮其處所者而逮法忍誰欲於此而起塔者彼諸天子八十億人同時称曰吾等當起尔時會中有一長者名曰賢天白世尊曰吾於斯地當起塔寺佛言可與族姓子賢天長者即於彼處起七寶塔莊嚴具足還詣錠光而問佛言予在其地與七寶塔福何所趣錠光如來尋報之曰長者欲知菩薩大士得不起忍計其地處若如車輪下盡地際一切眾生各取土塵皆如舍利而供養之乃復上至三十三天滿中七寶以布施佛若欲比

之起塔寺福終不相及塔寺之福最多難計長者於此所殖德本如我今授摩訶之前當為無上正真之道若成佛者亦當立卿於大道決於族姓子意念云何今時長者名賢天者豈異人乎莫作斯觀所以者何此眾會中有長者子名曰受行今吾授決當於來世而惟十

得佛道号善見如來至真等正覺明行成爲善逝世間解無上士道法御天人師爲佛衆祐以是之故族姓子族姓女比丘比丘尼清信士清信女若住若坐書是經典持諷誦讀爲他人說則於其處下盡地際一切諸塵悉爲衆生又此土者悉如舍利所以者何得忍菩薩成就衆德亦復如是故佛告汝懇懃嘔累若族姓子族姓女於是三千大千世界滿中七寶布施如來至真等正覺晝夜各三而不懈怠布施隨時至於一劫若復過劫不如受是經典王阿闍世除諸狐疑無有猶豫淨諸陰蓋分別一切諸法平等若書若讀受持

諷誦聞之信樂書著竹帛匹素經卷於莊執翫令此正法而得久住此功德福過彼甚多不可稱限佛言族姓子若於百劫奉持禁戒普知正足乃得閑居志樂不捨其聞是經而信樂者其功德福則過於彼守禁戒上若於百劫如行忍辱一切衆生罵詈撻捶加以杖痛而皆忍之若復有人聞此經要而信樂者其功德福則便超越彼忍辱上若於百劫而行精進供養一切衆生之類而不愛身及其壽命不如聞是經歡喜信者若於百劫而行禪思有觸燒者而不惑亂不如聞是經歡喜信者若於百劫而行智慧博覽曉了無所不建設復聞此究竟本淨心暢自然經典之品而歡喜信受持諷誦其功德福則超越彼能速勸立諸通慧矣

時諸菩薩俱白佛言唯然世尊吾等已受於斯經典在在所遊諸佛國者有所住處便當宣布所以者何衆經典者則興佛事時諸善

產舉聲歎曰便復散華徧於三千大千世界而說斯言設此經典布閻浮提而住長久世尊能仁正法顯成滯首童真當使永存所以吾等未曾省聞如是像經假使聞者吾等不能加報佛恩及與濡首當以何等興大供養若族姓子從人聞斯經典者其恩難報假使

惟十

十

有人欲見如來從聞是經當觀其人如見世尊設欲供養如來至真等正覺者便當供養此族姓子若覩族姓子族姓女當瞻仰之如佛世尊諸菩薩等咨嗟已畢稽首佛足右遶三匝於此佛土忽然不現各各遷還其本國土各各自住其如來前如所受法廣為人說則於佛前一彼土開導教化無數羣生使發無上正真道意

普超三昧經囑累品第十三

今時世尊告弥勒曰仁當受斯正法明典爲無數人而分別說多所安隱多所哀念諸天世人悉當蒙恩弥勒菩薩而白佛言唯然世

尊吾則受斯經典教已亦從過去等正覺所啓受是經於今現在面值世尊得聞斯法唯然大聖如來現在吾以此經演令流普佛滅度後在兜率天當爲羣生分別說此殖衆德本若族姓子族姓女然於後世耳聞斯經志大業者當知弥勒之所建立奉持斯經若有

弊魔伺求其便吾等當承世尊聖旨而將護之使無瑕短佛告帝釋當受斯經阿闍世品斷一切結所以者何天阿須倫假使懷恨而戰鬪者當念斯經諸天則勝阿須倫降佛言拘翼今囑累汝若斯經典在於州域郡國縣邑城郭丘聚則護其土怨敵讎隙不得其便

惟十

十一

若至縣官若在賊中若逢禽獸若值鬼神若遇盜賊若遭水火恐懼之難便當思念於斯經典而說歌頌若有怨家寇賊惡逆不得其便今時佛告賢者阿難受斯經典持誦誦讀所以者何假使有人從汝求此經典要者其族姓子若族姓女斷一切疑無有猶豫洗除

衆結永已除了諸魔罪蓋不能覆蔽宿之殃  
疊邪害聖碍自然消滅所以者何設聞斯經  
則無狐疑佛告阿難吾囑累汝懇懃誠勅若  
犯逆者入斯典要歡喜忻悅則無有逆亦無  
危害而無罪蓋耆年迦葉白世尊曰唯然大  
聖吾見證明於斯經典向者就王阿闍世宮  
分別逆事王阿闍世尋時逮得不起法忍疑  
網即除我時念言王阿闍世本不曉了一切  
諸法亦不分別諸逆之事唯然世尊諸法本  
淨自然之性而反思想計有吾我而立諸見  
不能理練一切諸逆之本淨也如阿闍世習  
近顛倒虛偽衆相成勤苦患若究暢此則無  
衆難吾從今始說諸羣生亦無有罪無惡越  
法其入此者則超絕去無有終始佛言善哉  
善哉迦葉誠如所云諸佛世尊道義之正無  
有塵垢賢者阿難前白佛言唯然世尊建立  
斯典令後末世遊閻浮提今時世尊從左右  
脅放大光明普照三千大千世界樹木牆壁

普自然出如茲音響如來則建斯經典已設  
此經典在大海中若劫燒時應聞是經不得  
中斷而不聞也佛告阿難悉如樹木牆壁所  
出音聲誠如所云斯諸正士殖衆德本最後  
世時受是經者終不中夭  
佛說是經時八万六千天人遠塵離垢諸法  
眼淨六万八千天人悉發無上正真道意二  
万二千菩薩得不起法忍八千人離諸貪欲  
此三千大千世界六返震動應時大音普告  
天上世間悉來供養於斯經典諸天妓樂不  
鼓自鳴普告天上世間悉來散華燒香雜香  
擣香澤香面悉值斯所轉法輪如來於此所  
說經者悉爲降伏衆邪異道却諸邪見行抑  
制衆魔斯如來印則爲精修如來之法諸族  
姓子便當分別求此法印究竟正見佛說如  
是王阿闍世濡首童真弥勒大士一切菩薩  
諸大聲聞舍利弗大迦葉須菩提阿難等諸  
天世人阿須倫聞佛所說莫不歡喜

普超三昧經卷第四

士末 惟十

奈何反上乃个也透互第上音酸酸反官酷酷虐善篤反

劇反奇逆罪疊近下許跔竹家反厥居月反

棚閣上步四植下舊貨限計上子斯反蔽曠反也

漬下必計反熙反陰搥一長跽下其也姪反古哀反

中天少喪曰抑制力反何永言書刊

讎隙上音酬下丘寇賊上苦候反脅虛業反

中天少喪曰抑制力反何永言書刊

佛說放鉢經 是普超經別品殊譯 惟

安公云失譯

佛在舍衛祇洹精舍時與諸菩薩無央數比丘比丘尼優婆塞優婆夷諸天王釋梵及阿須倫鬼神龍諸人非人無央數悉會坐佛說菩薩法無央劫勤苦泥犁禽獸薜荔一切憂勞十方布施金銀珠寶車馬奴婢及妻子頭目肌肉皆不愛惜用施十方人勤苦故時忉利天上二百天子前世作菩薩道未堅在佛所聞求道勤苦皆念道劇難得心便轉求羅漢辟支佛道佛知是諸天子意欲轉便化作一人端正無比令持百味飯至佛所前長跪叉手作禮白佛言願佛哀我受此飯佛便受之座中有菩薩在佛前坐字文殊師利白佛言當念故恩座中諸菩薩悉聞展轉相問文殊師利前世有何等恩施於佛而復欲得佛飯佛即捨鉢于地便下入地中乃至賴毗羅耶佛刹刹名波陀沙鉢懸止空中現彼刹中